

Na osnovu člana 49. Zakona o sjemenu i sadnom materijalu šumskih i hortikulturnih vrsta drveća i grmlja ("Službene novine Federacije BiH", broj 71/05), federalni ministar poljoprivrede, vodoprivrede i šumarstva donosi

PRAVILNIK

O USLOVIMA KOJI OSIGURAVAJU ODRŽAVANJE KVALITETA ŠUMSKOG I HORTIKULTURNOG SADNOG MATERIJALA

Član 1.

Ovim Pravilnikom propisuju se uslovi koji osiguravaju održavanje kvaliteta šumskog i hortikulturnog sadnog materijala (u daljnjem tekstu: sadni materijal).

Član 2.

Sadni materijal koji se stavlja u promet mora se pohraniti u uslovima koji osiguravaju održavanje njegovog kvaliteta.

Član 3.

Sadni materijal se vadi mašinskim i ručnim putem (ašov, vile i druge alatke).

Vađenje sadnog materijala u rasadniku se mora provoditi tako da ne dođe do oštećenja korijena i korijenovih dlačica sadnog materijala koji se vadi.

Nije dozvoljeno vađenje sadnog materijala trganjem iz zemljišta rukama.

Član 4.

Vađenje sadnica u rasadniku se vrši neposredno pred otpremu sadnica na krajnje odredište. Ako se odmah ne vrši transport, sadnice se nakon vađenja moraju čuvati u hladnjačama u propisanim uslovima sve do njihovog transporta ili u trapovima ali ne duže od pet dana.

Član 5.

Zbog opasnosti od isušivanja korijenovog sistema tokom manipulacije sadnim materijalom, korijen sadnica se mora, odmah nakon vađenja, tretirati u nekom rastvoru (tečno blato, hidro-gel i dr.), koji sprečava brzo isušivanje korijena sadnog materijala.

Član 6.

Sadnice se pohranjuju na transportno sredstvo tako da korijen sadnica jednog složaja bude okrenut prema korjenu sadnica drugog složaja.

Član 7.

Zbog povećane transpiracije sadnica četinara tokom transporta, dozvoljena je upotreba antitranspiranata kojim se tretiraju zeleni dijelovi sadnica prije transporta.

Član 8.

Transport sadnica se treba obaviti samo u vozilima sa karoserijom koja je zatvorena ceradom, odnosno u hladnjačama.

Ukoliko transport sadnog materijala traje duže od 24 sata, obavezna je upotreba hladnjače za transport.

Član 9.

Nakon dopreme sadnice se mogu utrapiti do vremena kada se vrši pošumljavanje ali ne duže od deset dana ili se čuvati u hladnjačama u propisanim uslovima.

Član 10.

Ovaj Pravilnik stupa na snagu narednog dana od dana objave u "Službenim novinama Federacije BiH".

Broj 07-02-115-4/08
aprila 2008. godine

Ministar
mr sci. **Damir Ljubić**, s. r.